



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

*Odluka
o davanju saglasnosti na
Program obilježavanja 6. aprila – Dana Grada Sarajeva u 2024. godini*

Sarajevo, decembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), a u vezi sa članom 3. Odluke o utvrđivanju i obilježavanju Dana Grada Sarajeva („Službene novine Kantona Sarajevo“, broj 7/06), Gradsko vijeće Grada Sarajeva, na 34. sjednici održanoj dana 27.12.2023. godine, donijelo je

*Odluku
o davanju saglasnosti na
Program obilježavanja 6. aprila – Dana Grada Sarajeva u 2024. godini*

Član 1.

(Davanje saglasnosti)

Ovom odlukom Gradsko vijeće Grada Sarajeva daje saglasnost na Program obilježavanja 6. aprila – Dana Grada Sarajeva u 2024. godini koji je sastavni dio ove Odluke.

Član 2.

(Ovlaštenja)

- (1) Gradsko vijeće Grada Sarajeva daje ovlaštenje gradonačelnici da može, a prije svega ovisno o finansijskim sredstvima namijenjenim za ovu manifestaciju, vršiti izmjene i dopune ovog Programa.
- (2) Zadužuje se gradonačelnica Grada Sarajeva da svojom Odlukom odredi visinu finansijskih sredstava za navedene manifestacije, a sve u okviru pozicija i visine sredstava utvrđenih Budžetom Grada Sarajeva za 2024. godinu.
- (3) Gradsko vijeće Grada Sarajeva zadužuje gradonačelnicu da na sjednici Gradskog vijeća, a nakon realizacije Programa 6. aprila, podnese kompletan izvještaj o realizaciji Programa obilježavanja 6. aprila – Dana Grada Sarajeva u 2024. godini.

Član 3.

(Stupanje na snagu)

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović, s.r.

Broj: 01-GV-02-2003/23
Sarajevo, 27.12.2023. godine





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*PROGRAM
OBILJEŽAVANJA 6. APRILA – DANA GRADA SARAJEVA
U 2024. GODINI*

Sarajevo, decembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



**PROGRAM
OBILJEŽAVANJA 6. APRILA – DANA GRADA SARAJEVA
U 2024. GODINI**

I POLAGANJE CVIJEĆA

06.04.2024. Dan grada Sarajeva

09:00	Spomen obilježje „Vječna vatra“
09:30	Šehidsko mezarje „Kovači“ - Mezar Prvog predsjednika R BiH, Alije Izetbegovića
10:00	Spomen obilježje ubijenoj djeci opkoljenog Sarajeva 92.-95. Spomen obilježje ubijenim policajcima u Velikom parku (11 mezara)
10:30	Spomen park „Vraca“
11:00	Gradska groblja: Lav, Sv. Josip, Sv. Marko i Mezarje Stadion (Koševo)
11:30	Bista Vladimir Perić-Valter
12:00	Staro Židovsko groblje

II SVEČANA SJEDNICA GRADSKOG VIJEĆA

Vijećnica, 06.04.2024. godine

Dodjela nagrada i priznanja Grada Sarajeva

III KULTURNE I SPORTSKE MANIFESTACIJE

1. ŠESTOAPRILSKA IZLOŽBA COLLEGIUM ARTISTICUM

Datum: 05.04.- 26.04.2024. godine

Mjesto održavanja: Collegium Artisticum

Otvaranje: 05.04.2024. godine u 19:00 sati

Organizator: JU Collegium artisticum; realizacija izložbe u saradnji sa udruženjima AABiH, ULUBiH, ULUPUuBiH

2. DANI OTVORENIH VRATA U OLIMPIJSKOM MUZEJU

Besplatan ulaz u Olimpijski muzej za građane

Datum: 06.04.-07.04.2024. godine

Mjesto održavanja: Olimpijski muzej

Organizatori: Grad Sarajevo i JU Gradski muzeji Sarajevo

3. IZLOŽBA „POSILIJE OSLOBOĐENJA – ŠESTOAPRILSKA NAGRADA U ZBIRKAMA MUZEJA KNJIŽEVNOSTI I POZORIŠNE UMJETNOSTI BIH“

Datum: 05.04.-19.04.2024. godine

Mjesto održavanja: Muzej književnosti i pozorišne umjetnosti BiH

Otvaranje: 05.04.2024. godine

Organizator: Muzej književnosti i pozorišne umjetnosti BiH

4. PANEL DISKUSIJA „SARAJEVO U PRELOMNIM GODINAMA XX STOLJEĆA“

Datum: 04.04.2024. godine

Mjesto održavanja: Akademija nauka i umjetnosti Bosne i Hercegovine ili Nacionalna i univerzitetska biblioteka Bosne i Hercegovine

Organizator: Udruženje za modernu historiju

5. XVII ŠESTOAPRILSKI TURNIR U HRVANJU „KUP GRADA SARAJEVA 2024“

Datum: 05-06.04.2024. godine

Otvaranje: 06.04.2024. u 09:30

Mjesto održavanja: Olimpijska dvorana „Juan Antonio Samaranch“

Organizator: Hrvacki klub „Bosna“

Učesnici: očekuje se učešće oko 30 ekipa iz 10 država

Kategorije takmičara: djeca i kadeti do 17 godina

6. XVII MEĐUNARODNI ŠESTOAPRILSKI TURNIR U KOŠARCI

Datum: 22.03.-23.04.2024.

Otvaranje: 22.03.2024. u 19:30

Mjesto održavanja: Dvorana „Mirza Delibašić“ Centar Skenderija

Organizator: Košarkaški klub „Koš“

Učesnici: očekuje se učešće oko 24 ekipe iz 6 zemalja

Kategorije takmičara: pioniri, kadeti i juniori do 18 godina

7. XVI MEĐUNARODNI ŠESTOAPRILSKI TURNIR U STRELJAŠTVU

Datum: 05.-07.04.2024. godine

Otvaranje: 06.04.2024. u 10:30

Mjesto održavanja: Streljana „Zetra“

Organizator: Streljački klub „Sarajevo“

Učesnici: očekuje se učešće oko 25 ekipa iz 12 zemalja

Kategorije takmičara: seniori-ke

8. XXI MEĐUNARODNI PLIVAČKI MITING „SARAJEVU S LJUBAVLJU“

Datum: 06.-07.04.2024. godine

Otvaranje: 06.04.2024. u 9:30

Mjesto održavanja: Olimpijski bazen „Otoka“

Organizator: Plivački klub „Bosna“

Učesnici: očekuje se učešće oko 400 takmičara, 30 klubova iz 9 zemalja

Kategorije takmičara: kadeti, juniori, seniori

9. XXI ŠESTOAPRILSKI TURNIR U STRELJAŠTVU ZA OSOBE SA INVALIDITETOM

Datum: 30.03.2024. godine

Otvaranje: 30.03.2024. u 10:00

Mjesto održavanja: Streljana „Zetra“

Organizator: Streljački savez invalidnih lica F BiH

Učesnici: očekuje se učešće oko 80 takmičara iz BiH

Kategorije takmičara: seniori-ke

10. XVI MEĐUNARODNI KUGLAŠKI TURNIR ZA SLIJEPE „SARAJEVO 2024“

Datum: 06.04.2024. godine

Otvaranje: 06.04.2024. u 10:00

Mjesto održavanja: Kuglana „Zetra“

Organizator: Sportsko društvo slijepih i slabovidnih KS

Učesnici: očekuje se učešće oko 80 takmičara iz šest država

Kategorije takmičara: seniori-ke

11. XXXII MEMORIJALNI JUDO TURNIR „VINKO ŠAMARLIĆ“

Datum: 12.-13.04.2024. godine

Otvaranje: 13.04.2024. u 11:00

Mjesto održavanja: Sportska dvorana Goran Čengić, Novo Sarajevo

Organizator: Judo klub „Željezničar“

Učesnici: očekuje se učešće oko 400 takmičara iz 8 država

Kategorije takmičara: kadeti i juniori,

12. LXI MEĐUNARODNI ŠAHOVSKI FESTIVAL

Datum: 20.04.2024. godine

Otvaranje: 20.04.2024. u 10:00

Mjesto održavanja: Dom Oružanih snaga BiH

Organizator: ŠK „Sarajevo“

Učesnici: očekuje se učešće oko 100 šahista iz 4 države

Kategorije takmičara: kadeti, juniori, seniori i veterani

Obrazloženje:

- **Šestoaprilska izložba „COLLEGIUM ARTISTICUM“** tradicionalno se organizuje u povodu Dana grada Sarajeva. Izložba posjeduje karakter kolektivnosti kao vrijednost koju treba njegovati, u ime datuma kojem je posvećena i u ime sjećanja na bh. avangardu koju je predstavljala umjetnička grupa „Collegium artisticum“. To je prilika da JU „Collegium artisticum“ i tri umjetnička udruženja Bosne i Hercegovine zajednički organizuju izložbu i stvaraju platformu za prezentaciju djela svojih članova i članica.
- U povodu obilježavanja Dana grada Sarajeva u 2024. godini, u saradnji sa JU Gradski muzeji Sarajevo, bit će upriličeni **DANI OTVORENIH VRATA U OLIMPIJSKOM MUZEJU** za građane, te će isti trajati dva dana. Grad Sarajevo i JU Gradski muzeji Sarajevo na ovaj način žele građanima, koji do sada nisu posjetili muzej ili bi raniju posjetu željeli ponoviti, pružiti priliku da to učine bez plaćanja ulaznice.
- **IZLOŽBOM „POSLIJE OSLOBOĐENJA – ŠESTOAPRILSKA NAGRADA U ZBIRKAMA MUZEJA KNJIŽEVNOSTI I POZORIŠNE UMJETNOSTI BiH“** planirano je predstaviti eksponate mnogih književnika i pozorišnih umjetnika koji su dobitnici Šestoaprilske nagrade, a među njima su osnivačica i prva direktorica Muzeja Razija Handić, Meša Selimović, Mak Dizdar, Ahmet Hromadžić i mnogi drugi. Ovom izložbom bit će predstavljeni svi dobitnici navedene nagrade čiji se eksponati čuvaju u muzejskim zbirkama, ali i one koje nisu u vlasništvu Muzeja, a koje su kustosi Muzeja istraživali, poput Nasihe Kapidžić-Hadžić. Izložba se sastoji od 20-30 panoa sa dokumentima, fotografijama i ima historijsko-edukativni karakter. Dio izložbe bit će postavljen ispred Muzeja u ulici Sime Milutinovića Sarajlije koja je pješačka zona, a kako bi privukli posjetioce.

- **U PANEL DISKUSIJI „SARAJEVO U PRELOMNIM GODINAMA XX STOLJEĆA“** planirano je uporediti događaje u Sarajevu u aprilu 1941. godine, aprilu 1945. godine, aprilu 1992. godine i u proljeće 1995. godine. Ideja je da se kroz razgovor ukaže na važnost aprilskih događaja u historiji Sarajeva, pri čemu će se akcenat staviti na april 1945. godine i oslobođenje Sarajeva. Također, pažnja će biti posvećena i događajima iz aprila 1992. godine kada je Sarajevo stavljeno pod blokadu. U diskusiji će sudjelovati članovi Udruženja za modernu historiju koji se bave navedenim temama, i to: Husnija Kamberović, Minela Radušić, Edin Omerčić, Merisa Karović i drugi. Diskusija će imati javni karakter.
- **XVII Šestoaprilski turnir u hrvanju „Kup Grada Sarajeva“** je tradicionalna manifestacija sa blizu 200 učesnika iz regije i šire, zahvaljujući kvaliteti učesnika, a posebno organizacije, nalazi se u kalendaru evropske asocijacije u hrvanju.
- **XVII Međunarodni Šestoaprilski turnir u košarci** je najmasovniji i najkvalitetniji turnir za pionire, kadete i juniore u regiji. Manifestacija je regionalnog karaktera i očekuje se učešće oko 20 ekipa iz šest zemalja.
- **XVI Međunarodni Šestoaprilski turnir u streljaštvu** u gađanju zračnom puškom za seniore i seniorke je jedini međunarodni streljački turnir u našoj zemlji. Na turniru učestvuje više od 20 ekipa iz desetak zemalja Slovenije, Hrvatske, Crne Gore, Mađarske, Italije, Srbije, Češke Republike, Švedske, Makedonije, Francuske i Bosne i Hercegovine. Turnir je uvršten u kalendar Svjetske streljačke sportske federacije (ISSF) i Evropske streljačke konfederacije (ESC). Na prethodnim turnirima učešće su uzeli osvajači olimpijskih, svjetskih i evropskih medalja, svjetski i evropski rekorderi.
- **XXI Plivački miting „Sarajevu s ljubavlju“** je tradicionalna manifestacija koja se održava dvadeseti put. Miting je licenciran od strane Svjetske plivačke federacije FINA i nalazi se u kalendaru takmičenja FINA-e. Na turniru se očekuje učešće preko 400 takmičara iz 30 klubova i 10 zemalja učesnica.
- **XXI tradicionalni šestoaprilski turnir u streljaštvu za osobe sa invaliditetom** u gađanju iz zračne puške za domaće takmičare. Očekuje se nastup 80 strijelaca-osoba sa invaliditetom raznih kategorija invalidnosti iz svih krajeva naše zemlje.
- **XVI Međunarodni Šestoaprilski turnir u kuglanju za slijepe Sarajevo** je tradicionalna manifestacija na kojoj bi učešće trebalo uzeti 80 takmičara iz Njemačke, Hrvatske, Slovačke, Mađarske, Srbije, Slovenije i naše zemlje.
- **XXXII Memorijalni judo turnir „Vinko Šamarlić“** se u organizaciji Judo kluba „Željezničar“ održava duži niz godina, te čuva uspomenu na lik i djelo legendarnog heroja odbrane Sarajeva Vinka Šamarlića, uspješnog sportiste bivše države. Turnir okuplja oko 600 takmičara uzrasta od 6-18 godina iz zemalja regiona Srbije, Hrvatske, Crne Gore, Makedonije i Slovenije te naše zemlje.
- **LXI Međunarodni šahovski festival u povodu 6. aprila** je međunarodni festival koji okuplja oko 150 učesnika za kategorije juniora i seniora.

GRADONAČELNICA
Prof. dr. Benjamina Karić, s.r.